

古今
雜錄
卷五

卷五

藝文志

易文

注詩

附作

近目

人錄

著

俗禮

月

令

習通

俗禮

祥異志

風俗志

黔江縣志

光緒甲午寒葉子成
黔江縣志卷之四

黔江縣志卷五

藝文志

淵雲長卿益州巨筆卓哉蜀才易注疇匹越在後世亦有
達人勉庵著作文質彬彬志藝文

蜀才易注十卷

隋書經籍志

張氏惠言易義別錄蜀才者七錄云不詳何人七志云是
王弼後人謝炆夏侯該云是譙周顏之推陸德明以為范
長生也長生涪陵丹興人釋文叙錄隋唐志皆云蜀才易
注十卷蜀才之易大約用虞鄭之義為多卦變全取虞氏

黔江縣志

卷五

藝文 易注

一

其不同者剝為師夬為同人此即蔡景君剝上九為謙之
義推其意蓋以剝為師師為比為乾之消息夬為同人同
人為大有為坤之消息於虞氏旁通之義則未概聞然剝
夬下降師同人上升窮上返下其序猶有合者非李挺之
之復姤五變而生剝者所可口實也

坤坤厚載物德合无疆 坤以廣厚之德載含萬物无窮
竟也天有无疆之德而坤合之故云德合无疆也

李鼎祚周易集

解

陰凝於陽必戰

陸德明經典荀文蜀才用虞荀

需需有孚光亨貞吉位乎天位以正中也 此本大壯卦

案六五降四有孚光亨貞吉九四升五位乎天位以正中

也
解集

訟剛來而得中也 此本遯卦案二進居三三降居二是

剛來而得中也
解集

師剛中而應行險而順 此本剝卦案上九降二六二升

上是剛中而應行險而順也
解集

比原筮元永貞无咎以剛中也 此本師卦案六五降二

九二升五剛往得中為比之主故能原究筮道以求長正

黔江縣志

卷五

藝文 易注

二

而无咎矣
解集

泰小往大來吉亨 此本坤卦小謂陰也大謂陽也天氣

下地氣上陰陽交萬物通故吉亨
解集

否大往小來 此本乾卦大往陽往而消小來陰來而息

也
解集

同人柔得位得中而應乎乾曰同人 此本夬卦九二升

上上六降二則柔得位得中而應乎乾
應乾合二爻言之 下奉上

之象
乾二為上 義同於人故曰同人
解集

大有大輿以載
文釋

謙君子以撝多益寡文釋

豫朋盍攢文釋

隨彖曰隨剛來而下柔動而說隨大亨貞无咎而天下隨時隨時之義大矣哉 此本否卦剛自上來居初柔自初而升上則內動而外說是動而說隨也相隨而大亨无咎得於時也得時則天下隨之矣故曰隨時之義大矣哉集解

初九館有渝文釋

臨元亨利貞至於八月有凶 此本坤卦剛長而柔消故

大亨利貞也案臨十二月卦也自建丑之月至建申之月

黔江縣志

卷五

藝文 易注

三

凡歷八月則成否也否則天地不交萬物不通是至於八

月有凶斯之謂也集解

觀大觀在上 此本乾卦案柔小浸長剛大在上其德可

觀故曰大觀在上也集解

賁柔來而文剛漢上叢說引虞翻注剛者陽爻也柔者陰爻或謂之來或謂之分或謂

之上下所謂唯變所適也又言蔡景君伏曼容蜀才同

君子以命庶政文釋

无妄彖曰无妄剛自外來而為主於內動而健剛中而應

大亨以正天之命也 此本遯卦案剛自上降為主於初

故動而健剛中而應也於是乎邪妄之道消大通以正矣
无妄大亨乃天道恆命也集解

大畜其德剛上而尙賢 此本大壯卦案剛自初升爲主
於外剛陽居上尊尙賢也集解

車說輻釋文別本
作車說輹

離則大啞之嗟釋文

咸柔上而剛下二氣感應以相與 此本否卦案六三升
上上九降三是柔上而剛下二氣交感以相與也集解

恆剛上而柔下雷風相與巽而動 此本泰卦案六四降

黔江縣志

卷五

藝文 易注

四

初初九升四是剛上而柔下也分乾與坤雷也分坤與乾
風也是雷風相與巽而動也集解

大壯累其角釋文

晉柔進而上行 此本觀卦案九五降四六四進五是柔
進而上行集解

明夷彖曰明入地中明夷 此本臨卦案夷滅也九二升
三六三降二明入地中也明入地中則明滅也集解

其子之明夷釋文

損二簋可用亨釋文庚反 別本作
二軌

彖曰損損下益上其道上行 此本泰卦案坤之上六下

處乾三乾之九三上升坤六損下益上者也陽德上行故

曰其道上行也

集解

君子以澄忿窒欲

文釋

六四損其疾使遄有喜 四當承上而有初應必上之所

疑矣初四之疾也累於我故為疾宜損去其初使上遄喜

益損上益下 此本否卦案乾之上九下處坤初坤之初

六上升乾四損上益下者也

集解

夬九三壯於仇

文釋

黔江縣志

卷五

藝文 易注

五

九五莧睦夬夬 睦親也通也

文釋

姤繫於金尼 尼止也

同上

萃君子以除戎器 除戎器修行文德也

文釋

一握為笑

釋文 握當讀為夫三 屋之屋蜀才同

孚乃利用躍

文釋

井累其瓶

文釋

旅柔得中乎外而順乎剛止而麗乎明是以小亨旅貞吉

也 否三升五柔得中於外上順於剛九五降三降不失

正而麗乎明所以小亨旅貞吉也

集解

繫辭鼓之以雷霆 霆疑爲電文釋

易知則有親易從則有功 以其易知故物親而附之以

其易從故物法而有功也集解

辯吉凶者存乎辭文釋董姚文虞翻曰辯別

盛象之謂乾效法之謂坤文釋

知崇體卑文釋

有功而不置文釋鄭云陸蜀才置當爲德

大衍之數五十文釋王虞曰衍

聖人之所以極深而挈幾也文釋

黔江縣志

卷五

藝文 易注

聖人以此先心文釋張蜀才文京荀董作先

象也者像也文釋

參天兩地而奇數文釋文倚蜀才作奇通

按西志冉崇文說朱彝尊經義考范長生周易注十卷

隋志作蜀才舊唐書同而原本久佚蓋晉自渡江後北

間傳記皆名爲僞書不貴省讀故不復見重唐初孔穎

達等奉勅撰十三經注疏於周易專取王輔嗣韓康伯

二家凡漢世諸儒若焦若京若鄭若荀若虞悉掃而空

之蜀才之書於是傳者益少幸其遺文異字猶間存於

李鼎祚周易集解及陸德明經典釋文張氏別錄亦即從二書錄出者雖不足以賅原書之美備而吉光片羽賴以分耀於金匱石室之藏其搜羅之功良不小矣謹依別錄仍校之集解釋文原書彙爲一帙使後世窮經之士知人果不朽自命雖遐陬僻壤亦未嘗不足炳煥千秋云

黔江縣志

卷五

藝文 易注

七

附 近人著作書目 以先後生爲序

樗碧山房文集 八卷 詩鈔 八卷 詞鈔 四卷 蔗尾啟吟試帖

黔江志稿 二卷 李祖培撰

古人遺鐸 輯以古入嘉言善行以教子弟 湯瓊撰

三字節要腴詞連解 各一卷采經史要義雅詞句釋以訓童蒙 陳三善撰

道統圖譜 二十卷輯歷代聖賢事實而折衷其說學使黃爲之序 潢溪文集

程尙川撰

六有齋文集 陳其杓撰

翠栢軒詩文集 羅尊五撰

制藝類典

李灼撰

首善篇

采古孝子事
實為四言
句使童蒙誦
習力行

王鳳岐撰

易筌

四卷

讀史劄記

二卷

丹興瑣記

二卷

釋學編

四卷

趙大煊撰

開方演草勾股折訓元代引蒙

各一卷

陳炳幾撰

黔邑賑災記

邑侯 張九章

光緒十六年庚寅春陰雨連綿彌月不開蔬芋霉爛人漸乏食鄉里之董事者走相告予既急籌款百餘千救濟尤窘迫者白土金溪等鄉先是各鄉均以客歲雨多歉收穀用不足民有菜色然猶忍饑扶病種耨戚戚然冀夏秋之有成轉歉爲豐也忽首夏初三晨起雷雨大作蛟水漲發環八面山左右附近田土冲決漂沒盡付洪流予急登陴拜禱妖氛立靖雨亦旋止而一望城外沙墟平漫莫辨塍隴叠據三屯柵山後壩酸棗洞口等鄉先後報災旬日間

米價陡昂奸民煽惑富戶閉倉不糶市無宿舂斗米增價至千五六百不止持升斗往市者稍後則告罄空具而返饑民惶惶朝不保夕良懦者取草根樹皮以充饑桀暴之徒相與倡爲喫大戶之說到處擾騷廿一鄉富戶均岌岌不自保而鄉里遂重困矣予一面詳稟大憲請卹一面卽日開倉平糶並諭各鄉社首仿照辦理嚴定章程每戶五口以上每場發米二升三四口發米升半一二口發米一升或半升每升取價七十八文毋濫冒亦毋向隅又慮民間乏食復飭城廂團紳上緊設局按日出售每升取價八

十文給票取攜聽由民便循環糶源淵不竭城廂三屯資給以生者幾千餘家然各鄉之延頸舉踵呼籲以望賑者毋慮千萬戶皆剋日以待當是時予五中焦灼夜不成寐欲捐廉則傾囊莫濟欲重派則富戶無多適義士周生呈請願繳京斗穀四百石以作賑需予輒然曰有以哉上蒼好生固無絕人之路而予得此即可資給以爲眾倡卽以其穀留備三屯洞口碾運急折價墊款五百餘千散之四鄉以被災之輕重酌賑給之多寡不數日而各鄉溥遍因諭各鄉團紳一律勸諭糧戶樂捐協辦有捐穀者有捐

錢者有施米者有自運賤售者有入局平糶者有一鄉共辦者有分排各辦者有放穀秋還者有煮粥日給者辦法不一而大率每升取價八十上下間或隨市減價二三成不等予復不時延客有以公事見者立即傳詢諄諄諭以急公好義共濟時艱並救貧卽以保富之說有勞曰惟我任有怨曰亦惟我任於是城鄉紳糧各勉力踴躍輸將而噉鴻安集咸慶復生矣黔處萬山之中水陸不通旣無舟車運載又乏大商巨賈可以籌墊緩急復遭隣境水荒倍甚於我接濟之源絕徒以曉音瘖口寓激勸於零涕而湊

集巨款克渡大難旋幸秋成豐稔民皆安堵此實

皇上盛德所感召

大憲恩意所澤沛與夫鄉風之猶古團紳士民之共勉於義豈非予之厚幸也哉斯舉也城內平糶官紳協辦賣米至二百六十餘石折錢千有餘串辦理爲最善紳糧捐數至七百餘千亦爲最多而白鶴陶姓除平糶外放穀四百京石金溪王姓施穀一百京石後壩董姓平糶一百二十京石學署陳公紳衿李生各施粥一月有餘日給二三百人合共自五月下旬起至七月二十日止城鄉設局輟局先後不同約計辦理兩月有餘饑民共九千一百七十餘戶平糶市斗米一千一百九十六石五斗二升二合施粥與各鄉社穀分借者在外謹分別誌之以示不忘天戒云預籌積穀兼顧招解議

竊思民以食爲天食以穀爲要穀之不足他粟雖可充饑不免枵腹且易積莫如穀縱有鼠食朽壞可藏之數十年水旱天災何時蔑有倘平日戶鮮蓋藏臨時必束手待斃所以前人建設社倉義倉取於豐年散之凶歲以每歲之有餘備一時之不足甚盛舉也

前督憲丁頒發積穀章程云收穀一石者出穀一升收穀十石者出穀一斗收穀百石者出穀一石收穀千石者出穀十石百分取一於民無病而荒年則有儲備如一鄉出穀共有二千石每年可積二十石以三年計之可六十石以十年計之可二百石天道十二年歲星一週爲一小變縱有水旱不齊亦足以敷賑濟令各辦各鄉將所收之穀儲存公所公舉殷實戶口管理待荒年卽行發出老弱婦女旣無領取往返奔走之苦亦無涓滴花消妄費以出之民者給之民自出之自食之諒亦樂從但非大荒仍不准

率行出給以致耗散倘有覬覦公穀行兇恣鬧准予稟究再黔邑命案向無招解等費每遇毆斃重件派差下鄉到處飛灑其兇犯破家亡身固屬咎由自取奈鄰居親朋往往因而受累甚至有一無干涉亦復重罹灾咎推原其故皆由招解經費無措故官委之於差差得朦弊爲奸甚經團保攤派已敷解數而差役零星收取徒飽私橐仍於公件無益皆由錢不充足故雖獲犯訊確情罪已當案仍懸而不結所以冤抑莫伸上千天和年來水旱頻仍職此之由查川省各州縣率於肉釐項下抽收三費我黔地瘠民

貧肉釐年中祇有百餘千之譜除盜竊要案賞需外實餘無幾而距省寫遠命案招解至少亦得二百餘串之譜似此經費無出奈何奈何再四思維惟有平時按丁口出錢如一家有一口者每年出錢五文有五口者每年出錢二十五文有十口者每年出錢五十文由此類推雖貧家亦可勉爲而積少成多年復一年如一鄉有五千人每年可積二十五千有一萬人每年可積五十千三年則有一百五十千之譜倘有命件立可發出應用庶不至倍蓰稱貸頃刻破家此雖新令實由古來夫徵遺意亦卽鄉田同井

出入相友守望相助疾病相扶持之意也古者田必出賦如按石取穀是夫必出征如計口出錢是但古者取之於上數皆入公消歸烏有今則儲之於下利猶在民可備不時倘辦有成效三五年內年饑不足穀不敷賑貸則以所收口錢權歸救荒倘遇命件錢不敷招解則以所收穀石變充解費似此兩款相輔而行實爲穩便可行之久其法則以十家牌首湊足按牌交公正團保登簿再擇殷實戶口儲存概不取息仍每年年終報明地方官將所存穀數錢數若干立案倘有侵蝕准眾花戶指名稟訐以期實事

求是地方官亦不得無故抽提致令民間血膏化爲烏有
倘遇貪污卽合二十一鄉紳糧公同理拒庶幾良法美意
官民皆便此本縣於萬無可籌之中與爾民籌思萬全之
道是否可行仰爾軍民人等集議稟覆毋忽

齊民術要序

黔邊邑也民半江湖流寓風氣不一又兼地僻筭深多棚
居厓處鮮詩書之澤偷安旦夕禮教罕聞習於惰窳苟且
而不免禁罔之觸予履任後洞悉其弊日夜思之極知積
重難返第念官爲司牧教戒是予專責膜視不可因撮其

風俗之最彫敝者十餘款援古證今以勸以懲名曰齊民
術要其從予言以改也者將範圍於民彝物則之中所謂
齊之以禮也其背予言而馳也者將日蹈於法罔條律之
內所謂齊之以刑也曰術者明非以德化民空言未必有
補也曰要者積習難以枚舉此特揭其大凡也孔子云不
教而殺謂之虐况皆蚩蚩之民乎惟款內如慎婚配重倫
理謹析產諸敝俗非特長民者所不欲言亦不忍言若筆
之於書傳播四方尤不足以辱大雅之聽聞故藏諸秘而
不以示人癸巳春學博陳公見之謂切中時弊有裨於斯

邑人心風俗者非淺立諭同席諸紳鑿金付梓並允爲序簡端以資風厲予以語俚不文辭不獲已亦略序如此

猩猩記

邑增 陳三善

丙寅之秋七月旣望夜不成眠將曙始寐有呼門者聲甚急起視之獸也狀如猢猻趨起入室舉手三俯首三企而立予異而問之爾獸也胡爲乎來哉獸言猩姓名亦如之予悟爲猩猩與之坐讓而就有問曰聞先生善談理特造而請焉予曰理者禮之質也大而倫常小而經曲三千三百談原不易况爾輩無禮者談之何爲猩曰先生何見之

不廣也獸固無禮獸豈無人心乎人固有禮人豈無獸心乎彼世之覷然人面者梟獍其心牛馬其行狼貪蟻逐苟蠅營是何踐獸之實而猶假人之名歟予曰衣冠禽獸比比皆是爾獨何尤猩曰譬之沐猴而冠是以尤焉予且不如是直自附於禽獸乎猩曰卽如是能自逃於禽獸乎予笑曰逃之不能附之不可亦惟欺世盜名任非笑於他人已矣猩怒曰夫如是天不授以獸形而與以人形猩亦能言天不授以人形而與以獸形是何造物之偏也敢問吾子之善談理者予曰難言也爾旣有所見而來亦必有

所得而去試言之曰猩以爲天地之化生萬物氣以成形
清者爲人濁者爲物最清者爲聖賢最濁者爲蠢類清而
濁者人而獸焉濁而清者獸而人焉人禽之辨在於幾□
以待乎物之自取予瞿然曰初聞爾猩猩論人也人其形
獸其心天特不與以獸形耳於禽獸奚擇哉既聞爾清濁
人獸之論人禽之界愈推愈細爾雖蠢然獸面哉爾人心
也進於道矣猩曰唯吾祇一點心血惺惺不昧故恆紅而
不爲舊染之污人呼吾曰猩猩吾亦自惟曰猩猩予聳然
知其言之有以也警醒四顧彷彿猶在不知其處

黔江縣志

卷五

藝文記

十六

竹枝詞六首

唐李白

按黃山谷作竹枝詞夜宿歌羅驛夢李白相見於山間
曰予往謫夜郎於此聞杜鵑作竹枝詞世傳之否山谷
答曰集中無有請三
誦乃得之卽此詞也

一聲望帝花片飛萬里明妃雪打圍馬上胡兒那解聽琵琶
應道不如歸

竹竿坡面蛇倒退摩圍山腰胡孫愁杜鵑無血可續淚何
日金鷄赦九州

命輕人鮓甕頭船日瘦鬼門關外天北人墮淚南人笑青
壁無梯聞杜鵑

老馬饑嘶驢瘦嶺病人生入鬼門關病人甘作五溪卧老馬猶思十二閑

尺五攀天天慘顏鹽煙溪瘴鎖諸蠻平生夢亦未經處聞有鴉飛不到山

風黑馬危驢瘦嶺日黃人度鬼門關黔南此去無多遠想在夕陽猿嘯間

送人尉黔中

杜荀鶴

盤山行幾驛水路復通巴峽漲千山雪筵開四季花公庭飛白鳥宦俸請丹砂知尉黔中後高吟採物華

黔江縣志

卷五

藝文詩

十七

竹枝詞二首

原序古樂府有巴東三峽巫峽長猿鳴三聲淚沾裳但以抑怨之音和為數疊惜其聲不

傳予自荊州上峽入黔中備嘗山川險阻因作二疊傳與巴娘令以竹枝歌之前一疊可和云鬼門關外莫言遠五十三驛是皇州後一疊可和云鬼門關外莫言遠四海一家皆弟兄或各用四句入陽關小秦王亦可歌也

宋 黃庭堅

撐崖挂谷蝮蛇愁入箐攀天猿掉頭鬼門關外莫言遠五十三驛是皇州

浮雲一百八盤營落日四十九渡明鬼門關外莫言遠四海一家皆弟兄

黔江舟中

明 沈 啓

黔陽春草碧雲齊萬疊青山萬曲溪
久客不禁鄉土思半
檣殘月子規啼

國朝

石塔峯

川東
道 張九鎰

方壺員嶠知何處玉柱金莖露此峯
汗漫標來梯有象青
冥踏去路無踪三千丈落銀河水
十二樓飛閬苑鐘峩雪
峽雲俱有態畫圖還綴碧芙蓉

黔江玉皇閣觀飛萊鐘

石城層閣高崔嵬有鐘墮邑名飛來邊
旁年月缺字畫上

黔江縣志

卷五

藝文 詩

十八

蟠雲氣下雷回鐵索作鈕獸環齧古色
班駁同彝壘僧來
不語擊以挺一聲撞破煙雲堆我聞
長樂宮前傳漏箭金
鏞曉動驚雄恢駕行鷺序班聯肅五
雲殿閣羅星台又聞
白玉之京樓十二高懸閬苑無氛埃
軒然鸞鶴空中集霞
車風馬紛轟豕富貴神仙兩得地
噌吰一徹天爲開胡爲
孤繫荒城裏黔彭相越何嫌猜嗚呼
鐘兮爾神物往來聊
借山之隈有時動地收天籟詎供百
八蒲牢催摩挲咫尺
寒光發長風颯颯吹蒿萊上清有闕
足依止崖谷何必非

仙臺

梅子關

問關梅止渴到此了無梅何似金莖露清涼浥一杯

九里坡

山上九里坡山下九曲水水清石有聲沁心復沁耳

黔江十二景集句

三台拱極

鄞縣 貢生 邵 塾

五雲多處是三台保障西岷壽域開滿座山光搖劍戟九重春色近蓬萊紫芝翳翳多青草碧砌磷磷生綠苔從此逍遙知有地露沾如洗絕塵埃

黔江縣志

卷五

藝文 詩

十九

杜甫 許 渾

查廣居 羅 鄴

杜甫 劉 威

皇甫冉 馬懷素

八面興雲

橫雲照染芙蓉壁八面風櫺漏隙光晴影有時還縹緲暖絲無力自悠揚奇峯疊見多因夏佳氣頻瞻累應祥已向為霖報消息九衢雙闕望蒼蒼

薛濤 宋之問

羊士諤 劉 威

鄭谷 李羣玉

韋 莊 羅 隱

羊嶺朝霞

海霞蒸赤麗層霄不揀花朝與雪朝瑞影岑樓開組繡高情野鶴共逍遙梧岡絢彩鳴雙鳳蓬島騰輝駕六鰲清景

難逢須愛惜西風好借木蘭橈

凌雲翰
王維

李商隱
崔峒

羅蒙
陸龜蒙

張籍
韓翃

酉陽夕照

詩裁錦繡惜光輝閒凭闌干望落暉立處晚樓橫短笛路
傍孤店閉柴扉川分遠嶽秋光淨馬度寒沙夕照微入夜
更宜明月滿暫時相賞莫相違

荆希逸
劉滄

元稹
趙嘏

劉兼
法振

戎昱
杜甫

鹹溪飛瀑

但借流泉伴醉眠遙看瀑布掛長川一條素練娟娟淨萬

黔江縣志

卷五

藝文詩

二十

斛珠璣顆顆圓清比湘靈鳴佩玉迥如洛女弄冰絃十分
好處耽清賞留與丹青作畫傳

譚用之
羊士諤

李白
于武陵

王貞白
李涉

白居易
薛據

墨沼流香

碧水澄潭遠映空數聲鷄犬翠微中屏間詩咏珠璣句花
外香生翰墨風自拂烟霞安筆格便當翹首望崆峒回瞻
四面如看畫春酒相攜就竹叢

沈佺期
皮日休

劉威
邵謁

李頎
韋應物

崔顥
朱慶餘

霽雪凝岡

山前山後玉玲瓏窈窕深連一徑通復有樓臺含暮景更
無塵土翳虛空三千色界銀沙外十二闌干玉海中白雪
調高歌不得浩然詩思杳無窮

薛逢
祖詠

韋莊
韋蟾

杜甫
武元衡

韓偓
李端

幽蘭秀谷

雪岫花開幾樹妝猗蘭端的異尋常三湘紉佩遺騷賦九
畹清風咏國香戲蝶遊蜂相往返問梅遮柳不勝芳深藏
幽谷無人見春色於今未易量

宋之問
薛逢

嚴維
羅隱

杜荀鶴
竇常

李頻
李孤及

黔江縣志

卷五

藝文詩

二十一

武陵霧雨

西風吹雨葉還飄灑幕侵窻送寂寥薄霧崖前秋漠漠片
雲頭上晚瀟瀟幾家漁舍冰綃隔十里江村水墨描何處
更添詩境好鳳城景色已含韶

李洞
顧況

杜牧
熊孺登

靈徹
司空圖

雍陶
李嶠

羽人煙鬢

平川一望樹依依風捲煙霞上紫微山擁翠鬢當戶立鳥
還青嶂拂屏飛嵐光黯淡迷秋壑野色溟濛隱夕暉自要
乘風隨羽客更於何處學忘機

陳子昂
李羣玉

李山甫
鮑溶

劉高
滄駢

許周
渾撲

烏鴉集仙

一一歸巢卻羨鴉
寒山影裏見人家
溪邊瑤草含朝露
天上珠廉捲曙霞
若解塵容消白髮
定教仙骨變黃芽
蓬萊咫尺無多路
願乞安期棗似瓜

韋莊
李嘉佑

崔峒
張泌

徐凝
裴說

元宣
李頻

金鐘飛韻

松關已掩白雲封
溪上遙聞精舍鐘
霜降豐山聲自應
香殘金鴨漏初終
遠林飛鳥歸還集
近寺浮煙翠且重
游子

黔江縣志

卷五

藝文 詩

二十二

聽時驚旅夢悔將名利役疎慵

李商隱
陸龜蒙

郎士元
杜甫

劉克莊
顧況

譚用之
薛逢

癸未九秋按試思州曉發白蠟園至黃草寺鋪次楊雨南

韻

學使 吳傑

鐘聲催客鞍
磴道作闌干
蠻菊助秋色
峽雲生曉寒
林深蟬語寂
石滑馬蹄乾
安得荆關手
來圖雨後巒
不辨東西路
空中望斗辰
雄關接梅子
峭壁立楓人
大石牛羊卧
危峯劍戟新
作詩除險語
醞釀要深醇
晚宿黔江疊前韻

暝色薄行鞍前旌動子千煙嵐平地畫風雨昨宵寒笮馬
穿雲瘦蠻花抱蝶乾眼前忘陟險何處是峯巒

笳吹滿城闐迎賓及此辰戍樓無雉堞蠻語有騶人小市
飴鹽雜層軒氣象新竹床今夜夢睡味益清醅

發成都將之黔江

邑侯 王爾鑑

我自京華來錦官欣至止雲棧萬里行停驂值歲底滿城
梅花開香風沁神髓方思度新年忽奉黔陽委捧檄而躊
躇且憂復且喜酉溪道路長崎嶇三千里浮波與披雲恐
懼又始此卻聞幽景多東南佳山水武陵花雨深羽人秀

黔江縣志

卷五

藝文 詩

二十三

峰起流覽得初心登臨滌渣滓况復過渝州可以見妻子
揚帆下錦江一棹煙霞裏

由重慶之黔江

妻兒寄渝州而我何所之望望石城路水險而山危買棹
下巴渝兩岸花雨滋桃李向我開雲山向我依長江波浪
急解纜舟如飛日湧雲根動樹搖翠嶂移渝州望不見故
鄉空爾思幸攜子與孫兼有蘭與芝天涯慰孤影每眺夕
陽時雖云行役遠相與舒襟期

亭子關

舍舟跨籃輿崎嶇上郁山躡磴三十里乃至亭子關黔彭
此分界重疊山鉤連萬壑闢谿峒穰蚤潛其間在昔嘯烟
雨出沒恆無端所以馬伏波曾征武陵蠻明季逞狂狡土
酋禍更煽焚掠盡山谷崖棲亦難安

盛世歸版圖於茲百餘年窮荒沐王化僻壤無梗頑伐竹結茅
屋梯雲墾坂田或臨水之涯或傍山之巔刀耕與火種錯
落森人烟倚關四週覽蒼翠開心顏

金子嶺

不識金銀氣卻上金子嶺寶藏孕山靈金光時炯炯籃輿
跨石脊一片箐林影風來林壑鳴雲散嵐翠湧翻翻羽人
山向我頻引領頑石亦點頭點金術可屏卽此是蓬瀛何
須訪箕顓

銅鐘歌

詳金
石

我來黔江十日餘偶聽鐘聲聲絕殊風水吞吐崖谷應悠
然縹緲音鏗如旣聽其音想其器尋之不見頻躊躇山隈
破閣半傾欹頽垣斷續春草蕪偶來採幽訪山僧銅鐘斜
挂東南隅蠨蛸結網塵侵畫拂塵一叩清以疎大小叩之
大小鳴不擲不窳飛雲衢質樸羞鐫龍虎文蒼翠自蘊斑

瀾軀當年陶鑄工良苦陰陽之炭天地爐書名書爵傳千
古幾歷劫火歲月徂應有鐘師掌金奏致之清廟聞寰區
如何寂寂空山裏砮砮瓦缶同一廬鐘兮鐘兮固無怨維
彼山川其舍諸

春興

鶯聲溜溜草芊芊最美時光二月天冷署懶眠春雨荒
城慣嘯夕陽烟閑來自煮青精飯興到何須白打錢無數
雲山都入舍一回仰止一陶然

尋幽幽景景無涯節物堪憐度歲華天際煙鬟遊子意江

黔江縣志

卷五

藝文 詩

二十五

邊春樹野人家清明好采兒拳蕨穀雨新烹蠓眼花趁此
蕭然遣塵慮箬林深處卧雲霞

贏得春光滿眼多清齋無事歎蹉跎簷前桂樹巢雙鵲墻
外竹林叫八哥書課兒孫聲曉暮光生蘭蕙影婆娑遽遽
每羨漆園吏一任蝶飛夢裏過

銅鐘歌

邑侯 翁若梅

世間隱見原有數不見甯隱完吾素如何不隱又不見飛
來之鐘此地厝拭塵細閱蝌蚪文前唐觀察趙公鑄蒼翠
其色鏗其聲一拂便擬長鯨怒何年流落彭水濱萬頃洪

濤與吞吐波臣愛寶不敢私法物甯教久沈錮陸離光怪
水中央千百彭人共沿泝蜂屯蟻聚攘臂爭氣盡力疲難
展步忽逢數輩黔江人後挽前推捷飛兔我聞禹疇羲畫
見重淵干將莫邪出泥汙漢之寶鼎宋之鏡都委波濤始
呈露以茲古物付清流神與爲扶鬼爲護精華宣洩自有
時應趁熙朝置當路胡爲珍重屹難移獨許黔人於一顧
荒邛斷壠鬱箐林古剝頽垣隱煙霧誰知此地有神奇何
思隨波閱朝暮試將吾意質之鐘隱耶見耶母乃不自知
其故

黔江縣志

卷五

藝文 詩

二十六

櫃子巖

黔彭俱有

我自過夔門三峽稱秀傑仰看劍壁形巖崑兵書風箱雲
端列嘆息蜀山川神仙之巢穴何來遊五溪形勝尤奇絕
鑿險而鎚幽蠟屐遍雲岳羅漢石仙人跌幾閱星霜不磨
滅迺復有形製宛然之方甌置之千尋峭石之中凸四顧
絕躋攀誰爲此布設豈非羽客流隨處顯怪譎試叩其中
藏應有長生訣對此爲神移直欲棄一切我聞葛稚川丹
爐火不輟勾漏在人間勿謂仙凡別

題柳孝子碑陰

原序漢孝廉名映芳諡莊敏黔江人家貧負薪奉母忽遇老人引至酉陽山中指一

樹曰月伐一枝足供母膳柳從之帝詔徵不起其守身事
重價以購母膳得不缺有司聞之帝詔徵不起其守身事
親如此邑乘載故里在西陽山下舊有臺今廢其地一區
鬻數姓矣余宰斯土不忍芳躅之湮爰於其旁闢地一區
築臺勒石載賡長句以誌景仰之忱並使後
之覽者聞風而起云爾庚寅夏五望後二日

孝弟本天性非以市美名粵自三代降借此巧梯榮封股
與廬墓真意已過情矧乃飾奇節心跡曖不明通顯立可
致清夜難自盟孝哉柳莊敏至性乃夙成家貧無以養伐
木聲丁丁持木鬻之市甘旨日充盈何以得此物冥漠感
精誠姜魚與孟筭曠世同震驚有司聞之帝溫詔崇褒旌
孝子各有志親重軒冕輕尙弗捧檄喜况肯絕裾行守身
黔江縣志

卷五

藝文 詩

二十七

長不字豈但十年貞奈何千載後故里沒榛荆徘徊想遺
躅景仰意怦怦勒石綴以句留與野人賡

築柳子臺成訪其墓不得感而賦此

伐石新刊弔古文孝廉遺跡散如雲沈香不長當年樹豐
草還迷數尺墳欲禁採樵憐處士空煩下馬拜徵君西陽
山上頻惆悵聊對斜暉薦藻芹

步顧觀察題邵刺史鑑湖圖

原序州刺史邵東行先生以鑑湖圖見示後有觀察顧晴

沙先生長句歷叙當時繫懷民瘼之誠讀之有感並登元唱以見先生歷官之梗概

先生牧西溪我作黔江令有眾盡瘡痍共抱維摩病碩鼠

貫三年十室九懸罄何期使君來玉壺冰掩映風節早見
推清操晚更勁下車曾幾時匝地甘霖迸率履有周行請
謁無蹊徑屈指數前徽召杜龔黃併能傾大吏心而況在
百姓新猷次第頒遐邇肅觀聽校士拔其尤慎刑恤乃命
甯爲勤事俗豈敢滋華競吾曹有建白皆得如所請庾公
在南樓僚佐饒清興幸無掣肘憂詎爲彈冠慶鰕生雖鴛
才黽勉勸瑞政表端則影直君子大居正西地本邊荒荆
榛遍巖磴布化得先生乃引入入勝甘棠野有陰芍藥俗
無贈縱值軍務殷耕鑿祝

黔江縣志

卷五

藝文 詩

二十八

明聖披圖感殊恩濡毫恣題詠

柵山郊行卽事

驕陽不肯降夕鳥苦相喚但覺黑雲馳倏忽晴光斷隱隱
認歸途輾轉沿河畔初月挂林梢前山明一半蛙聲兩部
吹螢火眾星亂邨農結伴行足音響遙岸不見隔堤人還
聞隔堤嘆縱值今年豐難補去年曠疴癢久相關愀然生
悵惋

辛卯仲秋待月於清華軒之桂樹下坐而假寐覺後神境

悠然詩以紀之

花在露中開人在月中睡花香月亦香露墜花亦墜月露冷侵衣人與花鄰比遽然一夢迴月露花人四

甲申閏月量移雅安留別士民兼以誌感

邑侯 李元豐

一任鞭爭祖逖先孤城渺渺滯東川旌移欲指三千里株守俄驚十二年詎有甘棠思舊愛誰從喬木紀新遷躋堂

卻愧稱觥意持贈南山樂只篇

士民公送匾額

廉隅砥礪自匡居更凜官箴五夜初趙忭攜琴愁有鶴馮驩彈鋏愧無魚何曾老妾能衣帛但許癡兒課讀書漫說

黔江縣志

卷五

藝文 詩

二十九

故園饒祖業至今典盡素心廬

余家齋名

曾聞叔向賀憂貧豈是青雲誤此身治劇何能如郭伋

謂現

署雅安郭明府

歌驪若可擬汪倫風塵俗吏功名薄寒素書生面

目真知己感恩難以報許將誠實品爲人

蔣制憲考語

漢唐大邑宋名州學仕盟心兩未優苗格晴開三楚路蠻平烟淨五溪秋談經月課培書院擊柝宵勤葺戍樓又道年來時雨若龍神祠宇是新修

試院從教設酉陽輿情國體共平章公旬也免三農役隘

浪何勞一葦杭

謂不赴渝城考試

舊政遵循饒戴胄新猷建樹仰

黃香定知損益因時妙樂利豈惟汔小康

課最循良治譜賒才非百里莫相誇農勤勸積三年穀商

薄免徵一縣茶詳免茶票惜別清風惟拂袖催詩好雨尙隨車

武陵山下重回首疊疊奇峰逗晚霞

述懷

邑侯 孟自桓

家自清貧身自安何來一夢入邯鄲路經宦海重重險人
到名場步步難有用還憑天作主無才轉怕我爲官分明
一部循良傳論定千秋着意看

冬柳

黔江縣志

卷五

藝文 詩

三十

驢背尋詩野徑遙驚看衰柳葉俱彫半堤暮靄迷彭澤一
帶疎烟冷灞橋舊日濃描西子黛今朝瘦指小蠻腰行行
莫向空山去古木寒鴉久寂寥

一段寒雲鎖北門行人過處黯消魂郵亭冷落餘殘照驛
路飄零認舊痕羌笛吹來聲懊惱棲鴉夢斷月黃昏雲天
也有迴風舞故作飛花點遠村

秋日登八面山

攜得黃花酒攀藤上翠微漢里迎面起林葉打頭飛香散
茱萸佩秋深薜荔衣山靈應笑我醉待月明歸

放眼鐘山頂天風吹我來炊烟紅樹杪夕照白雲隈遠岫
雙眉鎖層巒八面開崖花隨意折身帶晚香回

題龔生祖母暨母壽屏

三台山脈蟠根厚婦德母儀同不朽潯陽節義兩兼之福
壽雙高世罕有子舞老萊衣孫奉延齡酒西池王母送春
來更有雙成隨其後會羣仙酌一斗但願疊晉五花封天
爲之長地爲久

題柳孝子碑陰

邑侯 朱家庚

旃檀不根土根於孝子心孝子心徑寸沉香木千尋古今

標至性孝德最維馨負薪誼何潛馥郁歆帝廷帝命千壑
薪都化沈香林至今西陽山萌芽樹更生蒼天察至性白
日懸芳名欲奠一瓣香日想迷雲岑且薰彤管筆續句荒
碑陰

黔江漫興

攀箐猿生愁撐天蝮倒遊含酸梅子險入暗鬼關幽絕境
竟如此平生夢見不仍聞縣西水四十八灣流

唐鐘歌

鯨魚一吼聲振聳百里鞞鞞春霆中豐山未霜何隆隆飛

聲大響入鬢宮鐘高五尺圍七尺三十八字挈虬龍流傳
唐代黔中郡鑄鑄尙書汧國公公昔黔府作都督立號立
武折羣雄縱金虎將集幕府範金鳧將招良工嚴道銅山
雲鑿碧安公鐵冶烟飛紅鑄成安置鈴閣下大鳴大叩飛
來風暮鐘刁斗肅玉帳晨鐘笳吹朝元戎一千餘年陵谷
變篆嚙毫不驚旋蟲呵護或有神明力陶冶還思哲匠工
一叟撫鐘嘆唧唧道昔浮金泛水出不翼而飛不脛走彭
民萬輩扛不得眾聞目論爲甕語我道蒼玄不可測中天
竺有飛來峰浮山浮磬事髣髴而况鐵牡飛空孟堅志古

黔江縣志

卷五

藝文 詩

三十二

鼎耀水昌黎述銀湧於地金鳴山浮柏飛騰或馮物浮類
蕤賓神鐵異飛並湛盧寶劍疾鐘應南郡斯理微世無東
方待誰識龔俗舊絕賞音人希聲共愛無雷國戛擊者疎
黯少色重盼后夔典樂日宮商滿腹一朝吐蒲牢鏗應鳳
凰律大成殿上宣金聲驚破草間萬蟋蟀

節孝向母張孺人墓誌銘

教諭

李曾白

節之苦難屈指數痛我生之不辰恃而兼怙絕勝丈夫兮
健婦持門戶死灰復然井水長古海洋洋其可填兮天蒼
蒼而可補危者使平作中流之砥柱冬嶺秀孤松兮受天

之祜欲宜室而宜家以此母爲風聲之樹

留別士民

原作六
首錄四

邑侯

蓋紹曾

五千餘里一扁舟話到丹興快此遊及入其中知不足敢
從分外更多求官雖有俸癯如鶴吏本無才拙似鳩慚謝
殷勤諸父老一年尙意使君留

亦是宦身亦客身未經話別早傷神半村半郭曾爲主一
草一花也共親遊後青山常入夢秋來碧水暖如春諸君
不忍忘情處況是依依域內人

何緣家室日紛爭判獄經年獄未清過眼風波徒起伏到
頭棋局被輸贏坦平路自險中出天地春從冷後生煙戶
七千丁數萬願無相軋與相傾

身如病馬怯征鞍策策西風不耐寒面目逢人羞盡變葫
蘆畫我舊閒官何堪往事從頭說每遇好山回首看他日
蓉城樓上望江流東去路漫漫

戊寅解官歸里留別諸生

原作四
首錄二

教諭

吳開聰

樽酒依依話別難此行敢詡近長安
以候選同
知開缺無才忍戀
橫渠席有約應彈貢禹冠一帶雪泥留幻跡六年風雨稔
辛酸還家最是西巖月重照書生苜蓿盤

石城山水足清奇坐客青氍已自知花縣鳴琴曾許聽前任

蓋鳳西孫星
坪均相得

杏壇振鐸愧難施論文幸結三生契載酒空

勞一字師寄語門墻好桃李春風切莫怨開遲

近科中式
者少然開

遲養艷自古云
然聰有厚望焉

秋日登八面山步前令孟公原韻

光緒十九年秋予與刑
席鄒君都闔馬君廣文

陳君及李鵠臣莊六坡二生偕遊八面山食於茂才楊生
家飯後遊山登鐘山頂荆榛中新闢一徑餘根尙刺人脛

蹀艱危異常然遊興豪甚夜分乃歸
聞前任孟公有遊山詩因而和之

邑侯 張九章

拽得籃輿上行行石徑微山高驚鵲起樹老杳鴉飛結伴
攜萸酒尋幽勝菊衣秋雲低薄暮猶自樂忘歸

黔江縣志

卷五

藝文 詩

三十四

勝蹟藍公杳秋風我自來鐘山明夕照黔水壓城隈齊魯
諸峰小蓬蒿滿眼開一輪明月好扶得醉人回

雙乳虎行

吾聞南山白額虎三害不除愁編戶豈料城西八面高負
嵎巢穴更雙乳肥身種子異其心吮血摩牙噬且擒逐逐
多欲偵薄暮眈眈不露踞深林年來虎患行人久駭鹿慮
難挺而走見者立虞飶腹中伊誰攫搏如馮婦癸巳歲逢
八月秋農收隴畔風颼颼么麼亦自奮長舌行步從容不
掉頭一虎隨田與上下一虎飲河趁遨遊兒性天真猶爛

漫那復畏人便狂竄搖尾逐隊求食來火烈忘機公叔段
鄉氓見之瞥且驚鋤耰杖畱盡刀兵墜星胃昴沈西宿沒
羽將軍射北平誰知困獸猶能鬪出日厚腰伸短脰怒生
撥爾奮爪牙竟遍傷人臂左右人傷虎微虎不支彼猶舐
啖裂長髭疾馳幸併遭捶斃材武重歌襴裼詩私縱不知
公所獻割肉分羹憑力健弱者履危強食之不均糾集來
鳴怨我聞打虎驚且吁判驗扛攏賸半軀骨節頭睛全血
沒拊其皮毛捋其鬚虎哉虎哉何不慎爾乃山君百獸震
一朝縱子殃民間竟使雙昆喪眴瞬異政曾傳虎渡河愧
予無德狼嗥多天開陷阱剪爾類示警將母猛比苛予謂
虎兮宜遠避雄長莫抗
天子吏獨不見有唐刺史韓公驅鱷魚至今載入潮州志

梅子關懷古

咸豐紀年歲辛酉粵匪由黔竄江口蹂彭出涪覬巴渝被
創過向郁山走黔江一旦聞警報文武滿城謀戰守僉疑
茲地屬偏隅劇虜不來作淵藪諒爲土寇逞狂狡勢將殲
滅如拉朽急使偵探建旗鼓梅子關前杜羣醜都闔譚公
策馬先俞某少尉隨其後營伍百餘散不整帶團反仗李

役手糾多市井無賴人未見敵臨空自吼須臾螺角一聲
吹驚動山谷與高阜長戈利矛直前揮捷如猿獠噬痢狗
新軍那堪敵猾賊况復翻坳腹背受矚時大眾同奔潰師
遂輿尸譚喪首時際八月秋氣冷中秋越翼日十九壞雲
沈沈黯無邊惡氣冲來城郭黝聞道堅壁清野議先事運
籌有李叟又謂哭宜效秦庭請兵應援夫赳赳如何倉猝
不見聽坐視生民被脅誘環城百萬同劫罹仁而不武慚
眾母嗟予傷古生且晚談兵空自酌樽酒亭子關下黔界
分卻敵宜從郁鎮右出奇制勝併力攻燔其軍仗焚其糗
扼險固守陣雲屯水陸遁逃敵易負縱匪深入腹地中必
死之心賊人有君不見天水隗囂誤於丸泥封當關誑說
膽如斗

遊國公崖

邑人爭說避兵處八面山崖高可據我來瞪目徒悵然且
卻且前行不去鼓眾舁梯捷欲升攀蘿附壁力難勝甫著
木屐踵先決撰杖空勞削健籐徘徊四顧推其故患難承
平各有數昔時惕息過來人今見嶄巖亦無路聞道勝朝
涼國公帥軍屯此凌天風大旺散毛征且遍四豪膽落失

其雄成功不曾泐諸石空見懸崖翳雲碧山號古木紛槎
枒猶是將軍森畫戟歲逢辛酉八月秋粵匪竄黔肆虐劉
百數婦嬰潛匿此笑窮賊技空探頭予謂非賊不能上藍
公靈爽憑保障飛沙揚塵日已曛幻作金城萬千狀尋幽
不避虎與豺險仄荆榛處處皆明代江山無寸尺芳名猶
指國公崖

紫芝

原序銘家萬山中宅左里許有石洞廣約三畝上一
穴光接霄漢四圍多古木桃花並饒蘭蕙中有細流

曲折潛通暗處家鳴岡兄名其洞曰小桃源因於中建茅
菴數椽以為讀書之所丙申二月望日微雨後銘偕兄遊
於崖間見芝一莖其色紫其形兩節似如意攜至京師呈
而採之尙未知其寶貴是年銘登拔萃科隨根生石上呈

黔江縣志

卷五

藝文詩

三十七

蔡侍御觀覽謂是靈芝渠昔登科時豫章有山亦曾
產此遂贈銘一古風以為余家瑞徵並作詩以自記

邑拔
劉肇銘

桃源向說寓神仙遺得靈芝也共傳瑞草自饒新雨露洞
天長接古雲煙醉騎白鹿採瓊島閒駕赤龍耕石田園綺
高歌非所願

盛朝側席正求賢

覩靈芝作

侍御
蔡家珩

憶我少年登科時豫章山下產靈芝得諸傳聞三十載今
於京華親見之劉子居山得物瑞所獲之年卽拔萃會當

玉立在瓊林神物豈終藏篋笥纍纍小石一拳橫瑤草無
根托向榮若非野鹿啣來種定是祥麟足下生自古蘭芝
稱地寶服食成仙年不老卯金留配案頭經洵是一莖科
名草

題芝瑞圖

殿撰 龍啟瑞

君家江水初發源烟霞深處開田園田園東窗盡花竹忽
見靈芝產高原斲斷雲根供几案書窗耿耿異香懸人文
瑞應有如此隱士療饑何足論君登拔萃符佳兆公車萬
里謁

金門作人已沐菁莪化與物同沾雨露恩旅館中宵特訪我
紫芝眉宇何軒軒荇芥許結金蘭契手把靈芝索贈言芝
乎芝乎不常有仙種何事來塵喧安期羨門邈難遇萬古
求藥雙眸昏盡道籠中儲參朮尋常腐草與陳根芝乎自
是長生物服之萬年調眞元君不見古人心事多痴絕一
盃芹菜獻

至尊

烽烟警

甲邑教諭李公魯生也

西州庠生 冉瑞銑

烽烟冲霄封豕突狼奔鼠竄滿城哭哭聲直振冷官衙顛

沛羞作挺險鹿仰天一笑氣如虹恨不沙場爲鬼雄一寸

丹心三尺練從容跨鶴御天風

公絕命詩云那堪倉猝烽烟警報國深慚跨鶴遊

吁嗟乎曾子師耳子思臣耳爲臣思避賊爲師知報

國廣文一死重泰山何物守令竟斬關

時縣令某聞警即逃去

過深溪河詣香山寺

西州職員王維榜

蒼茫溪上寺遙接聽江樓古樹含烟靜寒泉湧月流籬疎

花補密院寂草添幽鶯解留人住林間細語稠

題雲峰寺

邑貢生程宗彝

風雨尙層巒仙人髮已班潺潺碧流水終古鎖雲關

黔江縣志

卷五

藝文詩

三十九

遊正誼鄉龍橋山洞歌

邑文生陳其榮

石城山水奇更奇萬壑羣峰險不夷一朝著屐龍橋上澗

環山複愜襟期溪水伏流深不見袁溪繚繞龍橋現橋空

數丈修月形逐水窮源開生面下有澄潭蛟龍伏擊波掀

浪從橋出居人橋上喚不磨大阜高岡環突兀面橋兩峰

對峙高白虎蒼龍各逞豪水流橋外圓如璧晴天長自作

風濤右山如雪立森森半壁中開洞口深神仙小憩無人

識埋沒烟霞直到今小口蹲石大如斗不識其中復何有

傳言仙子借人糧取償無欺童與叟豁然大口天開朗中

可容人三五黨洞門喬木復陰森從古無人攀援上中間
洞口似門形石磴參差若可經俯背蛇行探福地瑯環無
乃秘山靈明炬直造神仙府里許依稀呈玉宇門柱廳樓
石層層一泓秋水沉鐘鼓高高下下百步多爐磬牀粲燦
石阿諸班絢目森然列不見神仙奈若何

題徐節婦李孺人傳後

邑拔貢 趙大煊

截彼酉山有巘者岡湛彼黔水有黝者光山挺其貞水流
其芳賢哉節母光厥庭戶繫家何許曰徐氏之婦李氏之
女不釵而弁匪幘而巾維班宋是程維鐘郝是型卓然其

女中之英弗矜黼繡而嫺詩書弗吝燔飴而習儀架遂字
鍾吾作配君子儀褻旣結琴瑟旣敦下主中饋上順尊親
以勗勤夫學以代省晨昏詎乖中道鸞折其儔茹蘗含辛
雖用癡憂而無怨尤矢柏舟之汎流遂踐冰霜教子持荻
母曰嗟予子予實兼父之嚴與師之益予冀爾立爾維汲
汲每有良朋旣投厥轄我有嘉賓亦髣其髮知子之好俾
冀進德維萱在背子則樹之維芹在泮子則采之子有令
譽母實輔之母有貞心子克慰之皇皇綽楔揚母之貞濯
濯鸞袞昭母之榮匪惟貞且榮里閭傳懿範千載播賢名

卽事

邑廩生 蕭清輝

夕陽下遙山晚烟迷樹樹但聞蟬鳴聲不見蟬鳴處

詠城西河隄

原序往歲河患頻仍直逼城根工繁西南水險苦漂沒歷宰吾邑者咸以費冗山水險

峻爲棘手遂致漸次冲决城幾莫保己丑春山右張公蒞吾邑卽以整飭地方爲己任舉凡遷丑春山右張公

靈建高亭而崇孝子瞻卹貞節嘉惠士林賑饑荒明政爲諸大端未兩年而百廢俱興其創築長隄保護城基尤爲

首善當務之急也公以工代賑不遺餘力不傷民財且沿民稱頌焉可今春自西鄉歸來見新隄壁立屹若長城且沿民

隄插柳眼俱舒轉瞬萬線臨風不作難期告厥成功是隄曰是役也非公不避風霜親督工作難期告厥成功是

隄卽以張公名焉可以紀實其言拙非有所作也殘年衰朽久荒筆硯聊以紀實其言拙非有所作也

邑廩生 許可

黔江縣志

卷五

藝文詩

四十一

河患頻年恨屢仍歷官咸慮任難勝公如冬日羣黎戴政

似春風百廢興自督堤工堅一倍不妨浪急湧千層斯民

幸免爲魚厄愷悌無慚父母稱

漂沒民幾力不支解懸惟恨見公遲萬家稽首稱生佛一

縣傾心頌有司歲歉恰宜工代賑事成方信志難移依堤

徧插先生柳都是甘棠去後思

薪勞敢讓着鞭先親冒風霜雅意拳蟻聚子來成不日鳩

工辛苦力回天桃花滿縣飛如錦柳絮盈堤撲似綿聽得

輿人私地說如公才算吏中仙

沿河底定慶功成雪浪奔來患永平野店萬椽環小市新
堤五里抵重城垂楊拂岸春如畫大雨傾盆夜不驚從此
狂瀾堪力挽化爲霖徧潤蒼生

分水嶺王公祠

邑增生 程昌瀏

尙有祠堂在風雲幾暮秋春回黔水北名壓蜀山陬過客
猶青眼先生已白頭譚兵懷馬帳午夜話邊籌

舟泊水寨

世界有滄桑山中無今古寨上仙人蹤年年自風雨

遊水砦及仙人跌諸名勝

邑廩生 程昌溜

黔江縣志

卷五

藝文 詩

四十二

黔江江水夜郎西綠浪含山柳被隄流至東南穿石峽仙
蹤較勝武陵谿君不見長江從北至谿水自南來谿水遠
從山澗落千巖萬壑勢崔嵬神龍蜿蜒阻去潮馮夷一怒
穿龍腰龍腰透闢數千丈從此天生五處橋龍腰破碎龍
還怒回頭又阻馮夷路溪水長流南北來一時相隔難相
遇繞過龍橋始合流龍頭長在水中浮水環三面潭千尺
一面猢猻見亦愁西偏一徑艱來往門壁祇容一人上千
回百折似蛇行掛壁長藤疑巨蟒行到中央閒遠眺羣山
隔絕飛難到一夫當關萬莫開海島君山同險要我聞明

季賊縱橫黔境同遭土司兵土著一時同避此狼嗥狐嘯
了無驚雙雙草屨付流水惡魔一見卽他徙數百生靈皆
保全至今遺事掛人齒尋尋踏徧翠微巔興盡歸來泛釣
船神碓無聲神櫓死祇留木櫃半空懸何物仙人施狡譎
青壁無梯眞奇絕盪舟重過鯁魚泉江邊又訪仙人跌跌
跡指痕兩岸留江頭片石幾千秋仙翁一笑飛昇去惟見
滔滔江水流

官渡河

邑廩生 吳連科

入峽疑無路依山好放船千尋雲外徑一綫甕中天水寨

黔江縣志

卷五

藝文 詩

四十三

龍長卧魚灘鷺自眠白蘆終古散待訪洞中仙

過石筍山

插天尖似筍鬼斧削何年寺古留雲宿樓高任月穿僧歸
黃葉徑樵唱翠微巔相遇不相識停輿話晚煙

梅關節

甲都戎譚公也

邑廩生 朱肇琇

臣年十五說長劍身不屈頭可斷帳前斗酒呼健兒邊城
誓保花封縣賊來奮臂與賊戰倉皇出師手刃賊殺賊難
盡臣馬蹶臣馬蹶臣力竭滿山秋草濺碧血西風日落陣
雲寒夜夜冷照梅關月

附 閨秀

述懷

貞女 李柳英

孽子孤臣共此心
深閨悵望淚沾襟
空來大地留蟬蛻
漫向寥天作鴈吟
珠玉肯隨塵土賤
羅紈早被雨黴侵
可憐最是山頭石
歲歲風霜受到今

詠荷

女 夢雲

倦刺蘭閨繡凭闌
玩碧荷風來情似怯
雨過淚偏多
豔蕊餘紅菡
清香裊綠波
莫驚孤鷺起
獨立可憐他

暮春

黔江縣志

卷五

藝文 詩

四十四

惆悵春光逝
當晴倚碧窗
愁看風裡蝶
擾亂不成雙

決詞

女夢雲詞也
夢雲幼許字某生
母歿其姊背母約改
字某氏及女長成
漸知其故意大拂鬱
病瘵而終臨

歿作此以
寄某生

娶婦求貞女
佳木擇良禽
兩者兼難得
不死徒二心
如君信知己
閨閣獨賞音
祇道親結褵
歡然調瑟琴
何圖忽分飛
風雨各投林
擬欲盡郎歡
身價重南金
母言猶在耳
阿姊忍寒盟
俾作盧家婦
紅顏誤到今
撫枕一長歎
往事情徒深
長謝脂粉香
翠黛甘銷沉
病體怯秋風
隆冬况沍陰
名口多佳人
願郎勉酌斟
努力愛春華
勿爲愁思侵
夢魂

苟得路環珮宵當臨來生約不爽重與結苔岑遇合甯有
數修短何處尋不識苦中苦誰堪訴悃忱廿載秋蟬蛻十
年哀鴈吟已矣從此辭相思渺難禁提筆泣汎瀾淚痕漬
襦襟

風俗志

上德如風下習爲俗與化移易責在司牧士食舊德農服先疇黔雖下邑周爰諮諏志風俗

通志士習潔清民風純樸

士多潔清自好敦尙古處近來鑽研經史文風日上科第頻興惜距省寫遠應試者少

民性較厚獄訟漸稀囹圄每至空虛長民者果能帥之以正從善甚易

山多田少農事費力百姓終歲經營無曠土亦無游民

蠶桑城鄉俱有惟因土陋未享厚利近女紅多購木棉紡績弄機之聲恆終宵不輟

金石土木之工所在俱有制器惟求適用不尙奇巧公私營造悉按日給貲無供億之苦

邑處偏隅不通舟楫貿易惟土產器物間有京廣過客販售雜貨然不時至故無侈靡之習

民食稻米而外包穀爲大宗兼以釀酒貧富利賴山野居民多種番薯洋芋或掘蕨粉以備食用之不足

衣服從儉富翁間御裘葛餘率衣布而已

月令

正月元日夙興列香炬具衣冠祀祖先擇吉時吉方出行
以次拜其尊長然後出拜鄰里曰賀年是日不灑水不掃
地不出財上元鳴金鼓作魚龍獅子車燈各戲曰鬧元宵
是月士就傅農治土商賈擇期開市

二月二日俗謂社公生治酒殺雞以賽是月治農器浸稻
種下秧

三月清明前後士民拜掃祖墳揭紙於塚上曰掛青間有
男女偕往邀族戚餽祭餘於壠旁者是月採茶收春蔬種

御麥及大豆

四月八日俗謂佛祖生辰以紅紙書字粘壁間曰嫁毛蟲
是月插秧比長五六寸相約薅草鳴鉦鼓更唱迭和以趣
工曰打鑼鼓刈麥栽甘薯

五月五日放端陽學戶懸蒲艾飲雄黃酒並塗小兒額以
辟疫餽角黍採百藥煎湯浴身入以雄黃灑牆屋陰溼處
辟蟲蛇十五日爲大端陽翼日童子入學是月始割漆
六月六日曝書帙衣服俗以是日晴雨占收天旱澇頗驗
二十四日川主會是月收瓜壺造伏醬

七月七日魁星會十五日中元節前期具酒饌書楮祿陳於庭合饗遠祖以下及故族戚三日祭畢焚之俗謂端陽接人中元接鬼也是月農登早稻諏吉薦新於祖考月內不伐竹木謂之禁七月刀

八月二日俗謂社公會祭之如二月二日十五日中秋節餽月餅庭列茶菓坐語達旦曰守月華是夜有偷瓜具鼓樂以送子者儻失瓜人從而罵之其驗甚速二十七日大成會是月采豆穫稻收御麥

九月九日重陽節佩茱萸飲菊酒登高十九日觀音會是

黔江縣志

卷五

風俗

月令

四十八

月刈藍收甘薯種小春

十月刈穫畢放畜於野是月村塾議冬學打桐子

十一月山農翦茅覆屋伐薪爲炭掘蕨澄粉

按御麥洋芋蠶豆俱可磨

粉而以甘薯豌豆綠豆磨者爲佳

十二月八日煮臘八粥二十三夜以茶果送竈次日掃舍宇易楹聯曰小年夜除夕換桃符爆竹治酒饌祀祖先家人相聚食曰團年以果餅互送曰餽歲以次拜尊長曰辭年達旦不寐曰守歲以酒饌接竈俗謂竈神去時食素歸

時食葷

通禮

冠禮之俗無不行之名者則惟嫁年之前二十婿家故以爲取飾至相女贈後倩族字多戚中者爲加笄而

婚禮年憑媒允娶親之具香燭衣飾請媒往復請家祀其先之曰父插香踰

婿往女家祀其先曰報期娶前一曰過門以然後請禮庚娶有期納以

禮娶日倩有德望而多子者爲主婚行合巹者禮三日廟伴見

婦媿

喪禮始辦喪夜弔者入殮且成不服設魂守帛夜出訃聞者請紳食延鄉家里

禮從俗暮哭招僧道作佛事謂之道龕場上每七日誦二經十懺七月之

黔江縣志

卷五

風俗通禮

四十九

燒曰七年內大待佛事曰淺殯納棺之穴中而後以桃枝不待之吉

久始砌其墳曰包墳以

祭禮邑少宗祠每逢佳節具楮帛春秋饌二季具牲於家中元

新年清明拜掃於墓

祈禳歲設壇玉皇閣巫齋醮數日裙天斜跳盪上香徹夜民

不休或二三人胎上刀餘打泰保之名教有曰跳神亦曰乾降神

附酉志邵公陸黔江縣風俗總論也黔江在州屬中彈丸不

通商賈罕集民以力田爲務終歲勤劬僅給衣食不牽車服

謂金珠也堊也親歲惟土墳不知所謂石賓榔也則居炒米爲茨烹不

不猶爲茶不知所瘠士珍之錯民也詩曰耕餘之質矣遠志富飲之風
其道倍難若夫鼠牙雀角訟獄漸繁雖習俗使然亦可黔不
流民踵至雜處相與揚其波而加之燄也官斯土者亦可黔不
植去嘉禾莠哉以

祥異志

海晏河清鷁飛蛇鬪妖由人興善自天佑木饑金穰五行
遞躔遇災修省人事格天志祥異

志補是志邑拔貢趙君雲帆所箸也原斷自咸豐元年始
今於可紀之散見他志及各鄉所採者亦間附入附原序蓋聞鷁

飛石貫紀特筆於春秋鼠渡城災志五行於史傳乖氣紹致
異和氣致祥其感召有繇然矣舊志自縣侯津門張公紹致
齡重修獨缺是志蓋以無人記注文獻無徵從以來諸祥異
概並置之亦史闕文意也然不可以不補道光以上無從

掇拾矣其自咸豐元一以下或祥瑞或災稔錄登諸冊不
志日月薄蝕所關非止一邑也志地震晝暝明其所在皆
同也其餘草木之瑞風雨之妖見斯土者皆備覽之以氣節
流行或休徵或咎徵俾宰斯土生斯土者亦備覽之以氣節

黔江縣志

卷五

祥異

五十一

宣其氣庶祥雲甘露錫玉
蒔金常慶溢於花封內云

明正統八年產嘉瓜並蒂麥秀兩歧白燕來巢

成化十三年芝草生

萬曆三十八年二月地大震諸將公廨崩頽四境民舍全
傾呼聲鼎沸竟日乃止

四月大雷雨蛟水漲江衝壞城岸蘆蕩瀦野無算見朱御史疏中

國朝道光十六年洞口鄉劉姓舍側產紫芝

附 陳洪猷藏芝記芝草不恆有於天下者故人鮮識之黔
江劉氏有家塾曰小桃源洞壑幽潔之花

木蔚然道光丙申得紫芝一莖於崖石而同年劉惕齋以
是年舉拔萃科遂攜至京師居久之惕齋於夢中若齋人

告之者曰子篋太恭人可與蔡玉山觀山曰此汝舉因友時人持往而玉山母戊戌又產而李君歸之於吾鄉吾鄉也戊戌風以誌其事而仍歸之於吾鄉固瑞物也玉山為古風以誌其事而仍歸之於吾鄉古昔盛時太和洋麟鳳諸物同為聖王瑞至於後代九莖與朱草夾麟鳳諸物同為聖王瑞至於後代然自大之踵相以異物之見史不絕書之如宋諛大媚者翔鸞白鹿之屬踵相以異物之見史不絕書之如宋諛大媚者翔鸞可概見芝雖多又奚為也又聞明代梁山來瞿塘又聞舉鄉時芝生於學宮其後先生通易學著書為名儒又聞夏貴溪予告歸則非大賢有鹿啣芝墮於其前不數日貴溪復入閣若然遊園中野任芝固不生而世之人如僅朝廷以是為科第之榮是芝之不應生於旌節花科名草耳至都天子允恭輦轂之間雖平民競業亦以盛滿為虞四海之嘉禾瑞木甘露醴泉有僚之賞識而始不得為歌詩有神靈擁之受士人知邀庶僚之賞識而始不得為歌詩有神靈擁之

黔江縣志

卷五

祥異

五十二

窮然則此芝之遇未可謂為非幸也惕齋好學能文他日致身青雲和其聲以鳴

國家之盛而有所建樹以企古人則芝固為惕齋之瑞而惕齋又將為

朝廷之瑞也夫而後曉然於芝之不徒為科名也

咸豐元年秋七月有白雲如布長竟天俗謂之天橋

九月有五色氣如虹起城西南山麓時日已傍晚其氣五

采璀璨裊裊直上民皆設香案祭之

二年夏六月大風雨雷震轟去城南江西館樓鴟吻一角

四年秋七月癸丑白虹見城中民舍時方卓午雨甚倏陰

雲四合城中有白氣如虹縱橫無數直入民舍堂階戶室

朗然並見踰時乃滅占者以白屬金氣主兵災後

五年夏城西大木溪水為二道後五年經流遂涸民因淤

六年夏五月壬子地大震後壩鄉山崩 先數日日光黯

淡地氣蒸鬱異常是日彌甚辰巳間忽大聲如雷震室宇

晃搖勢欲傾倒屋瓦皆飛池波湧立民驚號走出仆地不

能起立後壩許家灣距縣治六十餘里 溪口有山轟起倏中斷如

截響若雷霆地中石亦迸出橫飛旁擊壓斃居民數十餘

家溪口遂被堙塞厥後盛夏雨水溪漲不通瀦為大澤延

袤二十餘里土田廬舍盡被淹沒今設舟楫焉朝陽寺山本一小嶺

黔江縣志

卷五

祥異

五十三

水盛時適浸寺址四面汪洋宛若金焦澤名小瀛海土人訛為小南海云先是鄉民某建祠取石劈之中得一杯繼又得一赤蛇長尺許俄失所在鄉人遂謂其為孽而不知山以地震而崩水以流塞而瀦也

是月杪大雨水城南分水岬山坍數十丈

七年秋七月大風拔木

九年春三月辛酉清明晝晦是日近午天忽陰霾大風雷

電雨雹昏黑如夜時民間俱掌燈午食 經兩時許天復漸黃始霽焉

十年春三月柵山鄉地鳴有聲如牛

冬豺入城

十一年春西關外民田產葛仙米三年後不復產

正月有物如虹現於城廂五彩燦然天陰不滅旬餘乃止

夏五月有星貫如火光芒數丈自西南流於東南

六月彗星見西南方尾長數丈是秋粵匪陷城

八月戊戌夜半地微震時粵匪尙據縣城

冬十月梨花楊柳皆青

同治元年春正月大寒雪深二三尺積十餘日始霽

夏五月壬午大風拔木

六月訛言有妖人至時民間傳言有妖人翦雞健無羽七日

者又云男子則翦去髮鬘女子翦乳頭已而有髮被翦去一二寸者人情益懼女鬘紅裙衣男子以赤繩繫髮

黔江縣志

卷五

祥異

五十四

辯又有云用硃書符佩之可禳其文為籀籀籀四
字然當時翦去髮鬘及食鷄羽被翦者究皆無恙

二年夏六月辛未有白氣如練自西北亘東南

三年夏四月訛傳有神蟲降市壁皆畫為圖其形如蝗兩

尾四足言飛入人舍齧香火立有死亡之禍愚民甚懼之

冬十一月有雲氣如匹練夜貫紫微宮是月城東門皮

匠某家畜產一物如象一目豎生額上而雙睛中有皮膜

間之長尺餘色微白產下即死懸市中數日觀者坌集

四年春三月豸入城食民畜甚夥邑侯康公為善譔文於
羊頭山祀之豸始斂跡

夏四月戊午武陵山寺災

焚金錢無故失去喜人崇敬好魚龍曼
衍之戲否則崇益甚其家因之消毀

十二年夏五月城東門樓女牆坍塌丈許

閏月有大猴入城直走縣署及公局

秋七月柵山鄉民婦產蛇一長三尺餘 有野豕突入城

中民舍民共擊斃之於是秋居民擊斃西洋天主教士二人於城南河干大貽訟累縣官亦撤任

十三年夏六月城西八面山雨赤雪有血腥氣

光緒二年夏五月大雨水西門外隄岸盡決水溢城中街

街後遂連年東徙瀕河民家廬舍數十皆為水所蕩去是歲包穀葉有異形食之者輒斃

三年夏六月旱五里鄉疫

黔江縣志

卷五

祥異

五十六

冬十二月桃李再華

四年夏四月大水城中水深二三尺隄岸益齧而東

冬十一月大雪寒沍

五年夏四月大雨雹大木鄉田某一日郊行見一物九首形如團箕振翼而飛血跡灑落駭急

歸告有識者曰此九首鳥不祥甚未幾疾疫果作鄉人死過半

秋九月丁亥酉刻天鼓鳴其聲如礮者三

六年春二月月色如血無光自是上者弦至下弦如是者旬餘

三月正誼鄉榭樹生花如杏花色繁白

夏六月庚戌大雨雹雷電並至 是月有龍見於武陵山

頂頭尾鰓爪畢具如活

是日鄉人演劇見者甚夥至是朝拜者日益盛

冬豺入城

復有麕入民家捕食之

七年二月丁亥巳刻正陽洞口五里正誼各鄉民見空中

有如彗星光芒四射聲若雷殷自東北投於東南

夏旱民大饑 自六月杪至七月僅四十日不雨而禾菽

焦枯不成顆粒穀價翔貴民掘草根及樹皮食之餓死頗

衆賣子女者相屬先是四月內有蟲五色傷稼食蕎殆盡

縣南大風雹如盜壓損民舍牲畜甚多 正誼鄉民婦產

子面黑白各半形甚醜惡 泉門口河中有大魚見衆小

黔江縣志

卷五

祥異

五十七

魚隨後斜列如旗

十冬臘三月皆雷

八月夏洊饑

自前歲夏旱至是年夏全境皆饑野多餓莩

四月城東下壩雷擊斃鄉民一人

九年夏六月癸卯大水

是夜大二尺風雷雨次旱沒南門一二尺冲壞隄垣無數

秋城中某紳家一蒂三瓜

十一年夏六月縣典史署圃瓜蔓如龍爪角鬚眉咸備

附 典史李汾記

余於甲申中攝黔江捕篆署之堂以內事右庭除各阜土攝斗餘越明年春公餘無事

偶以番瓜子分栽兩旁架一藤勃然怒發其體扁而寬枝葉芘芘蔓延滿架獨西北一藤勃然怒發其體扁而寬枝

寬節二寸必許叢葉雙花十葉有子若瓜三數枚鬚宛蛇盤昂首至巔而枝
牙舞爪若將騰焉者矣噫異哉余不生七年則未見未嘗聞者
而耳聞於以見天焉地之生物無奇不有然則未見未嘗聞者
鮮不知凡幾者咸以瓜蔓而已哉乃以質之薦紳先生農氓父老
抱西陽志來見其軼事載一道光二十七年瓜州如盤北小楊
家均市上民園內番瓜忽一籐攢結數十年瓜大者州如盤北小楊
者如杯前大亦幾等入臂鄉人以張口身亦蜿蜒而扛之焚香
龍狀藤之前大亦幾等入臂鄉人以張口身亦蜿蜒而扛之焚香
送諸水中後亦無他異云余謂瓜果之生者長隨乎地之
瘠肥若雨暘時若灌溉得宜其生之者長隨乎地之華
乎實茂理固宜耳事亦以偶然無關
乎禍與福也爰筆之以記其事

冬十月甲戌夜天星散落如雨是夏天槍見東南尾長丈餘

十二年秋七月西南天赤如火凡十數正誼鄉產嘉禾雙穗

黔江縣志

卷五

祥異

五十八

十三年夏五月丁巳大水蛟出城南洞塘城中水深數尺

壞民田舍無數溺死城鄉民數十人

冬十一月乙巳城內災是夜大十字街火焚民居數十家

十四年春正月丁未夜有流星正赤如火大如盃尾長數

丈墮城東南光焰燭地

十五年鄉有異獸食民牲畜其形如豸而小能爪畜賜食之土人呼為馬彪

十六年春淫雨夏大水三屯及五里鄉起蛟漂沒田廬無

算民洊饑先是連年歉收因雨多春蔬霉爛至是夏苗亦復無望穀價騰貴斗米錢千六七百文雜糧仿

是民多食木皮草根流亡入貴州者甚多鄰境咸豐利川
民尤甚 邑侯張公設平糶賑之數月乃罷黎水大木諸

鄉民往掘地羅漢食之其形若而塑羅漢
藤本出深山老林中味甘如山薯而粗淡

十七年春二月豺入城食人往歲入城止食卧街衢至是乃

一小丐繼而傍晚即入人家間被齧傷官懸賞購之弋獲其

噬人獨多五
月後始他往

是月震雷擊毀新書院鴟脊

夏六月疫民多死病疹紫色

秋有年

九月震雷正誼鄉民婦王陳氏左額生一肉角長寸餘

十八年春正月元旦大風壬子後復大雷電雨

黔江縣志

卷五

祥異

五十九

夏旱入伏彌月不雨亢陽異常人多得霍亂疾者
官紳設壇祈禱七月朔大霖雨農幸有秋

秋九月近鄉有虎噬人

冬大寒雪鳥獸草木多凍死十二月庚申夜雨雪雷電

十九年七月雷擊毀考棚柱壁占者以為主文明是
科廩生劉縱之獲雋

秋有年五里鄉吳姓田內產雙歧穀衆以為瑞而穎粟不
甚飽湛惟連年有秋陳陳相因穀價每石減至二

千四五百文為近二十餘年
所未有雖貧民亦皆温飽

八月三屯鄉民斃乳虎二先八面二小虎患莫知其穴所
在至是二小虎飲於河農民爭

集斃之大虎至其地
奔號者再患遂絕

二十年春洞口鄉民婦一產三男